

**Uunga siunnersuut: Uunga siunnersuut: Akileraaruserinermik ingerlatsineq pillugu  
Inatsisartut inatsisaata allanngortinnejnarneranik Inatsisartut inatsisaat nr. xx, xx. xxx  
2016-imeersoq**

**(Soraarnerussutisiaqarnissamut aaqqissuussinernik nunanut allanut nuussineq)**  
*Aningaasaqarnermut Aatsitassanullu Naalakkersuisumit saqqummiunneqartoq*

**pillugu**

**Aningaasaqarnermut Akileraartarnermullu Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Imanuelsen, Siumut, siulittaasoq  
Inatsisartunut ilaasortaq Sara Olsvig, Inuit Ataqatigiit, siulittaasup tullia  
Inatsisartunut ilaasortaq Steen Lynge, Atassut,  
Inatsisartunut ilaasortaq Jess Svane, Siumut  
Inatsisartunut ilaasortaq Tillie Martinussen, Demokraatit  
Inatsisartunut ilaasortaq Peter Olsen, Inuit Ataqatigiit  
Inatsisartunut ilaasortaq Aqqaluaq B. Egede, Inuit Ataqatigiit

Ulloq 11. april 2016-imi siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Soraarnerussutisiaqarnissamut inuunermulluunniit sillimmasiinermik aaqqissuussinernik, soraarnerussutisiaqarnissamut aningaasaateqarfimmit imaluunniit inuunermut soraarnerussutisiaqarnissamulluunniit sillimmasiisarfimmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermi akileraarutitigut akitsuititigullu isertinneqartut immikkut ittumik nunatta karsianut isertitatut tassungalu atatillugu siunissaq ungasinnerusoq isigalugu aningaasaliissutissanut aningaasaateqarfimmut nuutassatut isagineqarnissaat siunnersuutigineqarpoq.

Siunissaq ungasinnerusoq isigalugu aningaasaliissutissanut aningaasaateqarfiup ilaatigut siunertaraa immikkut ittumik isertinneqartut inuiqaqtigiit aningaasarsiornikkut ineriarornerannut naleqquttumik atorneqarnissaannik qulakkeerinissaq, ilaatigullu akit qaffakkiartupiloorsinnaanerannik pakkersimaarinninnissaq. Aningaasaateqarfiuttaaq taamaattup qulakkiissavaa pisortat ingerlatsinermut aningaasartuutaasa isertitaagallartut kingunerisaannik ataavartumik amerlinissaat. Immikkut ittumik isertitat taamaalillutik aningaasaliinernut atorneqassapput, nunalu ataatsimut isigalugu ineriarorneq attaneqarsinnaaqqullugu nuna tamakkerlugu pingaarnersiuinermut tamarmiusumut ilangunneqassallutik.

Aningaasaateqarfiup aningaasaatai immikkoortunut pilersaarutit naapertorlugit Namminersorlutik Oqartussani siunertanut kommuninilu siunertanut atorneqassapput, kommunit pingaarnersiuinermi peqataatillugit.

### **1. Siunnersuutip Inatsisartunit siullermeerneqarnera**

Siunnersuut siullermeerneqarmat **Siumumit, Demokraatinit, Atassummit aammalu Partii Naleqqamit** tapsererneqarpoq.

Taama iluseqartillugu siunnersuut **Inuit Ataqatigiinnit** tapserneqanngilaq, tassa isumaqartoqarmat aningaasaateqarfik pillugu maleruagassat naammattumik nassuarneqarsimannngitsut.

### **Tusarniaaneq**

Siunnersuut matuma ataatsimiititaliamit suliarineqarnissaani atugassatut tusarniaanermut akissutit assilinerat ataatsimiititaliamit piniarneqarput. Siunnersuut 2016-imni piffissami 11. januarimiit 27. januarimut ukununnga tusarniaassutigineqarpoq:

Sulisitsisut (GE), NUSUKA, SIK, KANUKOKA, Kommuneqarfik Sermersooq aamma Inuussutissarsiornermut, Suliffeqarnermut Niuernermullu Naalakkersuisoqarfik

Taamaalilluni siunnersuut ulloq aallartiffik sapaatillu akunnerisa naaneri marluk ilanngullugit ulluni 17-ini tusarniutigineqarsimavoq. Inatsisiliornermi tusarniaanermik ingerlatsinerup Naalakkersuisunit sivikillisaanissaq siunertariinnarlugu akunnequtitut isigineqannginnissaa, taamaalillutilu Naalakkersuisut Inatsisartut ataatsimiinnissaannut tunniussiffissap qanillinera pissutigalugu tusarniaanermut akissuteqarnissamut piffissaliussamik sivikillitsisannginnissaat Aningaasaqarnermut Akileraartarnermullu Ataatsimiititaliamit aammaarluni oqaatigineqassaaq. Tamatumungali taarsiullugu nutaamik inatsisiliornissamut inatsimmilluunniit allanganuinissamut piffissamik atorneqartussamik aalajangersaanermi Naalakkersuisut peqqissaa-russinerullutilu piviusorsiornerusariaqarput. Tusarniaaneq inatsisiliornermi pingaaruteqarlu-nilu qitiuvoq, tamatuminngalu equmaffiginninnginnej tamat oqartussaaqataaneranni tunngavinnik inatsisiliornerullu pitsaasuunissaanik saneqqutsinerusinnaavoq.

### **Apeqqutit**

Ataatsimiititaliap siunnersummik suliarinninnissaanut atugassatut missingersuusiornermut inatsisip akuersissutigineqarsinnaanera atuutilersinnaaneralu sioqqullugu soraarnerussutisia-

qarnissamut inuunermulluunniit sillimmasiinermik aaqqissuussinernik, soraarnerussutisiaqarnissamut aningaasaateqarfimmit imaluunniit inuunermut soraarnerussutisiaqarnissamulluunniit sillimmasiisarfimmit Kalaallit Nunaanni angerlarsimaffeqartumit Danmarkimut, Savalimiunut numanulluunniit allanut nuussinermi akileraarutitigut akitsuutitigullu isertitsissuttaasinnaasut qanorpiaq aqunneqalersaarnersut nassuaatigeqqullugu Aningaasaqarnermut Aatsitassanullu Naalakkersuisoq ataatsimiititaliamit qinnuigineqarpoq. Ataatsimiititaliap apeqquaasa Naalakkersuisullu akissutaasa assilineqarneri isumaliutissiisummut uunga ilanngussatut ilanngunneqarput.

### **Ataatsimiititaliap siunnersuummik suliarinninnera**

Akitsuutinik akiliinermi 330 mio. kr.-it pissarsiarineqartussatut missingerneqartut tassaa-sussaasut akileraarutinit isertitassat siuartitat ataatsimiititaliamit maluginiarneqarpoq. Akit-suutinit isertitat maanna pissarsiarineqartut akileraarutinit kingusinnerusukkut pissarsias-saagluit ilagissavaat. Tamanna pissutigalugu ataatsimiititaliap isumaa malillugu aningaasat nunatta karsia aqqutigalugu ungasinnerusumut pilersaarusiornermut ilaatinneqartariaqarput kommunillu isertitassatut annaasaat kommuninut ataatsimoortumik tapiissutit amerlineqar-nerat aqqutigalugu taarsiissuteqarfigineqartariaqarlutik.

Naalakkersuisunit erseqqissarneqartutut siunnersuummi matumani qitiusoq tassaavoq soraar-nerussutisiaqarnissamut inuunermulluunniit sillimmasiinermik aaqqissuussinernit Kalaallit Nunaanni angerlarsimaffeqartunit numanut allanut nuussinermi akitsuutitigut isertinneqartut *siunissaq ungasinnerusoq isigalugu aningaasaliissutissanut* aningaasaateqarfimmumt nuunne-qarnissaat.

Aningaasaateqarfik pillugu Naalakkersuisut allapput:

*"Siunissaq ungasinnerusoq isigalugu aningaasaliissutissanut aningaasaateqarfip ilaatigut siunertaraa immikkut ittumik isertinneqartut imiaqatigiit aningaasarsior-nikkut ineriartornerannut naleqquatumik atorneqarnissaannik qulakkeerinissaq, ilaa-tigullu akit qaffagiartupiloorsinnaanerannik pakkersimaarinninnissaq. Aningaasaate-qarfittaaq taamaattup qulakkiissavaa pisortat ingerlatsinermut aningaasartuutaasa isertitaagallartut kingunerisaannik ataavartumik amerlinissaat. Immikkut ittumik iser-titat taamaalillutik aningaasaliinernut atorneqassapput, munalu ataatsimut isigalugu ineriartorneq attaneqarsinnaaqqullugu nuna tamakkerlugu pingaarnersiuinermut tamarmiusumut ilanngunneqassallutik. Aningaasaateqarfip aningaasaatai ingerlata-qarfinnut pilersaarutit naapertorlugit Namminersorlutik Oqartussani siunertanut kommuninilu siunertanut atorneqassapput, kommunit pingaarnersiuinermi peqataa-tillugit."*

Siumissaq ungasinnerusoq isigalugu aningaasaliissutissanut aningaasaateqarfiliornissamik eqqarsaammut tunuliaqutaasoq ataatsimiititaliamit maannangaaq tapserneqarsinnaavoq. Matumani siunnersuutigineqartutut soraarnerussutisiaqarnissamut inuunermulluunniit sillim-

masiinermik aaqqissuussinernit nuussanit immikkut isertitat kisiisa pinnagit, aammali pigisanik nalilinnik tunisinermi ataasiartumik isertitat kiisalu assersuutigalugu aktiaatinit immikkut iluanaarutinit imaluunniit misileraalluni aalisarnermit isertitaajunnartut allat aningaasaateqarfimmik taamaattumi katersorneqarsinnaapput. Naalakkersuisut oqaatigisaattut aningaasaateqarfifiup taamaattup qulakkiissavaa pisortat ingerlatsinermut aningaasartuutaasa isertitaagallartut kingunerisaannik ataavartumik amerlinnginnissaat.

Aningaasat immikkut isertitat aningaasaateqarfimmut nalinginnaasumik nuunneqartarnissaat qulakkeerniarlugu aningaasanut inatsimmi iliuusissat qanoq ittut ingerlanneqassanersut tas-sunga atatillugu isumaliutigineqarsinnaavoq. Tassunga assersuutaasinnaavoq "Konto pingaaneq 10.13.10, iluanaarutit, aktianik piginneqatigiiffinniit piginneqataassutit tunisinerillu", tassunga ikineqartarlutik nunatta karsiata isertitai iluanaarutinit, aningaasaatinik appaanikkut tunniussinernit aamma aktianik tunisinernit isertitatut aammalu isertitaasinnaasutut allatut Namminersorlutik Oqartussat aktiaateqarluni ingerlatseqatigiiffinni tamakkiisumik ilaannakortumilluunniit piginneqataaneratigut pissarsiarineqartut. Taamaalillunilu isertitap qanoq ilisukkut immikkut isertitatut isigineqarsinnaanerata erseqqissumik nassuaasierneqarnissaa sulissutigineqartariaqarpoq.

Siuliani allassimasunut tunngatillugu ataatsimiititaliap isumakuluutigilaarlugu paasivaa missingersuusiornermut inatsisip, taamaalillunilu aamma siunissaq ungasinnerusoq isigalugu aningaasaliissutissanut aningaasaateqarfimmik pilersitsinissap, aappassaaneerneqarnissaata pingajussaaneerneqarnissaatalu 2016-imi ukiakkut ataatsimiinnissamut kinguartinnejarnissaa Naalakkersuisut qinnutigigaat. Tassunga atatillugu missingersuusiornermut inatsisip akuersissutigineqarsinnaanera atuutilersinnaaneralu sioqqullugu soraernerussutisiaqarnissamut inuunermulluunniit sillimmasiinermik aaqqissuussinernik, soraernerussutisiaqarnissamut aningaasaateqarfimmit imaluunniit inuunermut soraernerussutisiaqarnissamulluunniit sillimmasiisarfimmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermi akileraarutitigut akitsuititigullu isertitsissutaasinnaasut qanorpiaq aqunneqalersaarnersut nassuaatigeqqullugu Naalakkersuisut ataatsimiititaliamit qinnuagineqarput.

Naalakkersuisut akipput:

*"Taamak pisoqartillugu iluanaarutit nunatta karsianut ilaassapput, kontomut pingaannermut 20.11.22 Isertitat Allatnut nakkarnissai naatsorsuutaavoq. Takorloorneqarsinnaavoq tasangannganniit mittarfinnmut aktianik piginneqatigiiffimmum pilersinneqartussamut aningaasat nuunneqarnissaat Naalakkersuisut qinnuteqassasut, qinnuteqaat tamanna pillugu ataatsimiititalip paarisaa malillugu."*

Tamanna ataatsimiititaliamit tusaatissatut tiguneqarpoq, tassungali atatillugu aningaasat siunissaq ungasinnerusoq isigalugu aningaasaliissutissanut aningaasaateqarfimmut siuliani nassuaatigineqartutut isertitaasimasutut sapinngisamik annertunerpaamik aqutsivigineqar-

nissaat pingaaruteqarmat erseqqissaatigineqassaaq. Tassa nuna ataatsimut isigalugu attanne-qarsinnaasumik ineriertortitsinissaq qulakkeerniarlugu nuna tamakkerlugu ataatsimoortumik pingaarnersiuineq tunngavigalugu aningaasaliinernut. Aningaasalli pisortat ingerlatsinermut aningaasartuutaasa amerlinerannik nassataqassanngillat.

Aningaasaateqarfik qanoq aaqqissuussaallunilu aqutsivigineqalersaarnersoq ataatsimiititalia-mit paaserusunneqarpoq. Siulersuisunik ulluinnarnilu aqutsisunik toqqaasarnermi periutsit kiisalu aningaasaateqarfiup sulinerata aningaasanillu atuinerata ersarissuunissaat qanoq qulak-keerniarneqarnersoq ataatsimiititaliamit matumani immikkut eqqarsaatigineqarput. Immik-koortup aappassaaneerneqarnerani apeqqutit taakku akeqqullugit Naalakkersuisut qinnui-gineqarput.

### **Siunnersutip aningaasaqarnikkut kingunerisassai**

Siunnersutip piviusunngortinneqarnerani aningaasatigut kingunerisassat siunnersuummut nalinginnaasumik nassuaatini nassuaatigineqarput. Tunngavissat pigineqartut tunngaviga-lugit siunnersuummi saqqummiunneqartunit allaanerusumik naliliinissamut ataatsimiititaliaq tunngavissaqarsorinngilaq.

### **6. Ataatsimiititaliap inassuteqaataa**

Tamanna tunngavigalugu **Aningaasaqarnermut Akileraartarnermullu Ataatsimiititaliam Amerlanerussuteqartut Siumup, Demokraatit Atassutillu ilaasortaatitaasa inassutigaat** siunnersuut Inatsisartunit akuerineqassasoq.

### **Aningaasaqarnermut Akileraartarnermullu Ataatsimiititaliam ikinneussuteqartut Inuit Ataqatigiit ilaasortaatitaasa ikinneussuteqarluni oqaaseqaat imattoq saqqummiuppaat:**

Soraarnerussutisiaqalernissamut ileqqaakkat siusinaartumik tiguneqarneranni akileraarutaa-sartup nunatta karsianut kommunillu karsianut nakkartinneqartarsimagaluartut, nutaamik inatsisiliornikkut taamaallaat nunatta karsianut nakkartinneqartalernissaannik siunertaq Kom-munit ilaanniit isumaqatigineqanngilaq annaasaqaateqarnissartik aarleqquigitigamikku. Inuit Ataqatigiit kommunit taamatut annaasaqarnissaminnik aarleqquitteqarnerat paasilluarlutigu qualaajaasoqarnissaa kissaatigisimagaluarpalput, tamannali pinngitsoorsimavoq. Tamanna tunngavigalugu aammalu imm. 25-ip imm. 21-mut, aappassaaneerneqarnissaata ukiamut kinguartinneqarnissaanik piumasaqaateqarfingisimasatsinnut attuumassuteqartutut isigigatsigu Inuit Ataqatigiinniit imm. 25 itigartipparput.


Tamanna tunngavigalugu **Aningaasaqarnermut Akileraartarnermullu Ataatsimiititaliam ikinneussuteqartut Inuit Ataqatigiit ilaasortaatitaasa inassutigaat** siunnersuut Inatsisartunit itigartinneqassasoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Jens Immanuelsen,


siulittaasoq

Aqqaluaq B. Egede,  
siulittaasup tullia

Jess Svane



Steen Lyng



Tillie Martinussen



Peter Olsen



Sara Olsvig